



ITA EST

Sa Lei de Balanzu 2020 at bogau, cumintzendi de ocannu, sa TASI e s'IMU de sa IUC, pensendi de ddus allobai in unu tributu sceti. S'imposta, tzerriada "nuova IMU" (IMU noa), tocat a is meris de is imòbilis, est a nai is fabricaus, is àreas aundi si podit fraigai e is terrinus agriculus e pòmpiatin linia generali totus is allegas sugetivas e ogetivas, cuncordadas de sa normativa vigenti in su 2019.

CHINI PAGAT

Is tzitadinus chi depint pafai funt; su meri de sa domu ogetu de imposidura, o is titularis de is deretus berus cumenti usufrutto, impreu, bivèntzia, enfiteusi, subrafaci, cumenti puru s'allogadori finantziàriu (si est unu leasing) e su arricidori de àreas demanialis.

CALIS IMÒBILIS PAGANT

| CASU IN OGETU | ALICUOTA |
|---|----------|
| Domus printzipalis de lussu categoria A/1, A/8, A/9 e is pertinentzias insoru de categoria C/2, C/6 e C/7 | 0,5% |
| Is fabircaus entregaus de manera regulari po parti de is ex IACP e de is entis de ediltzia bividora pùblica de tzerriaus de calisiat manera | 0,91% |
| Fabricaus de sartu a impreu strumentali | 0,05% |
| Benis mercàntzia | 0,10% |
| Atrus imòbilis - categoria D parti Comune | 0,10% |
| Atrus imòbilis - categoria D parti Stadu | 0,76% |
| Atrus imòbilis- categoria A/2, A/3, A/4, A/5, A/6, A/7, C/2, C/6, C/7 | 0,91% |
| Atrus imòbilis - categoria A/10, C/1, C/3, C/4 | 0,86% |
| Àreas aundi si podit fraigai | 0,91% |
| Terrinus agriculus iscritus a su catasto, cumprèndius puru cussus chi no funt manixaus | 0,76% |

IMÒBILIS BOGAUS

S' Imu non tocat a custas categorias de imòbilis innoi asuta:

- is domus printzipalis (aforas de is categorias A/1, A/8 e A/9) e is pertinèntzias insoru classificadas me is categorias C/2, C/6 e C/7 po su tanti màssimu de una unidadi sceti po donniuna de is categorias numenadas
- sa domu de famillia entregada a su genitori affilladori de is fillus, a pustis de una sceda de su giugi, chi fait puru, sceti po is tareas de aplicatzioni de s'imposta, su deretu de domu apitzus de su genitori affilladori e totu
- is unidadis immobiliaris chi pertocant a is cooperativas ediltzias de propiedadi no spratzia, cuncordadas cumenti domu printzipali e is pertinèntzias insoru de is assòtzius arricidoris, cumenti puru is unidadis immobiliaris chi pertocant a is cooperativas ediltzias a propiedadi no spratzia destinadas a studiantis de s'universidadi sòtzius arricidoris, chena castiai a su recuisitu de sa residèntzia anagràfica
- is fabircaus de domu tzivili distinaus a domus sotzialis cumenti pensaus de su Decretu de su Ministeru de is Infrastruturas de su 22 de abril 2008, cuncordaus cumenti domu printzipali (sa tentura de is recuisitus previdius de sa norma depit èssiri provada cun sa presentatzioni de sa Decraratzioni de Mudàntzia IMU)
- unu imòbili sceti, iscritu o chi si podit iscriri in su catasto ediltzuiu urbanu cumennti unidadi immobiliari a sola, poderau e no entregau in allogu, de psu personali in servitziu permanenti chi fait parti de is Fortzas Armadas e de is Fortzas de Politzia a ordinamentu militari e de cussu chi dipendit de si Fortzas de politzia a ordinamentu tzivili, cumenti puru de su personali de su Corpus natzionali de is pomperis, e a foras de cussu previdiu de s'articulu 28 comma 1 de su d. Lgs. n. 139/2000, de su personali chi pertocat a sa carriera prefetitzia, po su cali no serbint is cunditzionis de aturai a bivi in sa domu costumada e de sa residèntzia anagràfica (su poderiu de custus recuisitus previdius de sa norma depit èssiri amostau cun sa presentada de sa Decraratzioni de Mudàntzia IMU)
- is terrinus agriculus tentus e traballaus de manixadoris deretus e de is impresàrius agriculus professionalis cunforma a s'art. 1 de su D. lgs. n. 99/2004, iscritus in sa previdèntzia agricula, comprendias puru is sotziedadis agriculas cunforma a s'art. 1 comma 3 de su D.lgs. n. 99/2004 numenau, chena castiai aundi funt.

ESENTZIONI SPETZIALI PO IS SETORIS TURISMU/SPETÀCULU PO S'ANNU 2020

Po s'annu 2020 est stètia previdia s'esentzioni po su setori turisticu po cussu chi pertocat a is imòbilis chi faint parti de sa categoria catastali D/2 (posadas e alberghus) e is pertinèntzias **insorus**, de is agriturismus, de is biddixeddas turisticas, de is ostellus de sa gioventudi, de is acorrus de monti, de is colònias marinas e de monti, de is alloga-aposentus po pagus diis, de is domus e apartamentus po vacàntzias, de is bed & breakfast, de is residence e de is acampadroxus, a cunditzioni chi is meris insorus diant puru is gestoris de is atividades fatas ingunis.

In prus est stètia apariciada s'esentzioni de su saldu a su setori spetàculu po is imòbilis chi faint parti de sa categoria catastali D impreaus de impresas chi faint atividades de cuncordadura de struturas amostadoras in su petantis de eventus fieristicus o manifestadas, po is imòbilis chi faint parti de sa categoria catastali D/3 distinaus a spetàculus cinematogràficus, teatrus, salas po cuncertus e spetàculus, e po is imòbilis distinaus a discotecas, salas po ballai, nightclub e simbillantis, a cunditzioni chi is meris insorus siant puru is gestoris de is atividades fatas ingunis.

(D.L. 34/2020 furriau in Lei 17 de mes'e argiolas 2020 n. 77, D.L. 104/2020 furriau in Lei 13 de mes'e Ladàmini n. 126)

AGIUDUS REGULAMENTARIS

Benit cunfromada a sa domu printzipali e intzaras no pagat s'imposta sa unidadi immobiliari tenta de bècius o malisanus chi mudant sa residèntzia insoru in istitutus de ricoveru o sanitàriu a pustis de unu ricoveru permanenti, a cundizioni chi cussa domu e totu no siat allogada a atra genti. In acontèssiu de prus de una unidadi biviodra s'agiudu podit èssiri impreau po una unidadi sceti. Po ndi tènniri deretu tocat a presentai una comunicatzioni apòsita imperendi sa modulistica apariciada de s'ufitziu tributus aintru de su trèmini postu po su saldu..

IMPITICADURAS

Gosant de s'**impiticadura** de sa basi imponibili de su 50%

- is fabricaus donaus po ddu impreai a indonu a is famillairis in linia dereta aintru de su primu gradu (babbus, mamas e fillus), a foras de is categorias catastalis A/1, A/8 e A/9. Po podi gosai de s'impiticadura si depit ponni menti **a totus** custas cunditionis:
 - su comodanti chi donat su fabricau a impreu depit bivi ingunis anagraficamenti, intzaras bivi de manera costumada in Ceràxius e no depit tenni atrus fabricaus a impreu de bivèntzia in Itàlia a foras de sa domu aundi bivit (in Ceràxius) e cussa donada in comodau de impreu a indonu;
 - sa entrega de s'imòbili a genitoris/fillus depit essi cunfrimada de unu cuntratu, de manera scritta o a boxi puru, chi depit essi registrau a sa Agentzia de is Intradas.

S'impiticadura cumintzat de sa dii de firma (si est stètiu fatu de manera scritta) o de serrada (in acontèssiu de acòrdiu a boxi). S'agiudu si allonghiat, in acontèssiu de morit de su comodadori, puru a su maridu/mmulleri de custu, ma sceti si ddoi funt fillus minoris.

- is fabricaus inagibilis/inabitàbilis e de fatu chi no si podint impreai.

Sa inagibilitadi o inabitabilitadi est unedegradu fisicu chi no si podit aconciari cun interbènnidas de manutengu costumau o straordinariu. Po tenni deretu a arriciri s'impiticadura si depit presentau comunicatzioni apòsita imperendi sa modulistica apariciada de s'ufitziu tributus.

- is fabricaus de intressu stòrigu o artisticu, cunforma a s'art. 10 de su D. lgs. n. 42/2004.

Is fabricaus allogaus a cànone acordau cunforma a sa lei n. 431/1998 gosant de s'impiticadura de su **25%** de s'imposta.

IMPIANTUS A FONTI RENNOÀBILI

Sceti is fraigus classificaus in sa categoria catastali Achi portant impiantus a fonti rennoàbili po sa produssidura de energia elètrica o tèrmica po impreu a domu, gosant in s'annu 2020 de una impiticadura de 0,1 puntu percentuali de sa alicuota chi ddi pertocat. S'agiudu cumintzat de sa dii de protocolladura de sa comunicatzioni ufiziali de s'acabu de is traballus entregada atruessu de sa piatafurma regionali SUAPE (in acontèssiu de scarescidura de custu cumandu s'agiudu no at a èssiri donau) e at a sighiri po is primus 3 annus in acontèssiu de impiantus tèrmicus solaris, o po is primus 5 annus po is atrus impiantus. In prus, po tenni deretu a s'aplicatzioni de s'impiticadura si depit entregai una comunicatzioni apòsita imperendi sa modulistica apariciada de s'ufitziu tributus aintru de su trèmini cumandau po su pagamentu de su saldu.

CUMENTI SI CÀRCULAT

Po su 2020, in acontèssiu de prima cumpridura de s'imposta, su primu tanti de entregai est aguali a sa mitadi de cussu donau cumenti IMU e TASI po s'annu 2019. Po su tanti TASI si bolit nai sceti su tanti dèpidu in su 2019 po parti de su meri, chena castiai cussa chi podiat èssiri dèpida de s'allogau. S'entrega de sa parti a cumpridura in su mes'e idas est fatu a conguàgliu, castiendi a is alicuotas aprovas de s'Enti.

| CUMENTI SI CÀRCULAT | |
|---|--|
| <p>Dònna contribuenti càrculat a su IMU in autoliquidatzioni ponendi a sa basi imponibili is alicuotas deliberadas de su Cunsillu Comunali, arregordendisi puru de sa parti e de is mesisi de poderiu; s'imponibili de is fabricaus est donau de su prodùssiu de s'arrenda catastali vigenti a su 1^u de gennàrgiu 2020 torrada a valutai de su 5% e de su multiplicadori:</p> <p>N.B.: sa arrenda catastali ricarculada est aguali a cussa e totu multiplicada po 1,05.</p> | |
| FABRICAUS | grupu catastali A (a foras de sa categoria A10) e categorias catastalis C2-C6-C7 : arrenda ricarculada x 160 ; |
| | grupu catastali B e categorias catastalis C3-C4-C5 : arrenda ricarculada x 140 |
| | categorias catastalis A10 e D5 :arrenda ricarculada x 80 |
| | categoria catastali C1 : :arrenda ricarculada x 55 |
| | categoria catastali D (aforas de sa categoria D5): arrenda ricarculada x 65 |
| | categoria catastali D chena arrenda e de propiedadi de impresas: balori contàbili x is coeficientis scioberaus de su decretu de su MEF de su 10/06/2020 |
| ÀREA AUNDI SI PODIT FRAIGAI | balori cumerciali de s'àrea autodeterminau po parti de su sugetu passivu |
| TERRINUS AGRICULUS | diferentis de cussus tentus de is messajus deretus o de is impresàrius agriculus: (arrendu dominigali + ricàrculadura de su 25%) x 135 |
| <p>Is arrendas de is fabricaus e s'arrendu dominigali de is terrinus benint carculaus de su Catasto, su balori cumerciali de is àreas aundi si podit fraigai benit autodeterminau de su contribuenti sighendi s'andamentu de su mercau, mentras su balori de is fabricaus D tentus de impresas, chi no funt ancora acatastaus, atruessu de is scriduras contàbilis. In s'acontèssiu chi is fabricaus siant acabaus, si depit fai a lestru s'acatastamentu poita po carculai s'imposta no est permiùtu prus de impreai s'aici narada "arrenda presunta".</p> <p>Finsas a sa dii de acatastamentu, mancari si impreau, su fabricau at a scontai s'imposta carculada sighendi su balori de s'àrea aundi est stètiu fraigau.</p> | |

| SCADÈSSIDAS |
|---|
| Su versamentu si depit fai po su 2020 in n. 2 partis, cun scadèssida 16 de làmpadas e 16 de mes'e idas . |

| CUMENTI SI PAGAT |
|---|
| <p>Si podit pagai cun dèlega de pagamentu modellu F24 anca is ufitzius de curreu, is portalitus de banca o cun su home-banking, o puru cun bulletinu bia a custu contu correnti postali : IMU - c/c postale n. 1008857615; Po is versamentus fatus de su strangeri tocat a impreai su còdixi</p> <p>IBAN: IT54S0760104800000016512097 e su còdixi BIC/SWIFT: BPPIITRRXXX.</p> |

ARRÈGULAS GENERALIS PO SU VERSAMENTU

Su tanti de donai depit essi aconciau a s'èuru po dònna riga de su modellu F24 o de su bulletinu, chena centèsimus; s'aconciadura si depit fai tirendi dinai si su tanti est prus piticu de 50 centèsimus, o aciungendi si est aguali i prus mannu de 50 centèsimus.

No si depit donai si su tanti chi pertocat a totu s'annu intreu po dònna genia imponibili est prus pagu de € **5,00**, mentras si su tanti de sa parti de aconto a sola est prus pagu de € 5,00 si pagat deretu su totali de s'annu in su saldu, in su mes'e idas.

Funt cunsideraus fatus de manera currigia is versamentus fatus de unu co-titulari puru po contu de is atrus.

CUMENTI SI PRENIT SU MODELLU F24

Po pagai s'imposta tocat prenni sa setzioni "IMU E ATRUS TRIBUTUS LOCALIS", acarendi s'Enti arricidori de su pagamentu e su "còdixi tributu" sighendi sa genia de su beni chi pertocat a cussu pagamentu. Su **Còdixi Enti** chi arreconnoscit a su Comunu de Ceràxiu est **I580**, mentras is **còdixis tributu** funt custus:

| DENOMINAZIONI | CÒDIXI |
|--|-------------|
| IMU - Domu printzipali e is pertinènzias suas | 3912 |
| IMU - Fabricaus de sartu a impreu strumentali | 3913 |
| IMU - Terrinus agriculus | 3914 |
| IMU - Àreas aundi si podit fraigai | 3916 |
| IMU - Atrus fabricaus | 3918 |
| IMU - Imòbilis a impreu produssidori classificaus in su grupu catastali D - STADU | 3925 |
| IMU - Imòbilis a impreu produssidori classificaus in su grupu catastali D - AMANNIAMENTU COMUNU | 3930 |
| IMU - Fabricaus fraigaus e distinaus de s'impresa fraigadora a sa bèndida (benis mercantzia) | 3939 |

SA DECRARATZIONI IMU

Sa decraratzioni IMU est unu mòlliu ministeriali chi depit essi presentau de is sugetus passivus sceti in is acontèssius aundi is mudàntzias sugetivas e ogetivas chi ocasionant unu tanti de pagai differenti pertocant a impitcaduras de imposta o no si pdint impreai deretu po parti de is comunus scrucullendi sa banca datus catastali o su modellu ùnicu informàticu (MUI) apariciau de su notàiu.

Sa decraratzioni depit essi presentada, o de atra manera, imbiada in bia telemàtica aintru de su **30 de làmpadas** de s'annu benidori a cussu chi su poderiu de is imòbilis at cumintzau o funt lòmpias mudàntzias mannas bia a sa determinatzioni de s'imposta.

Sceti po s'annu de imposta 2019 su trèmini po sa presentatzioni de sa Decraratzioni est postu po su **31 de mes'e idas 2020** (D.L. n.34/2019).

Is decraratzionis tenint balori puru po is annus a pustis, sempri chi no acontessint mudàntzias de is datus e de is elementus decraus chi ocasionint unu càrculu diferetni de is tributus chi si depint pagai.

CUMENTI PEDIRI SU RIMBURSU

Su rimbursu de su dinai pagau in prus o no dèpidas podit èssiri pediu po parti de su pagadori a s'ufitziu tributus comunali, ma tocat a ddu fai aintru de su trèmini de 5 annus de sa dii de su versamentu o de sa dii chi ant averiguau su deretu a sa torrada, deghinò si perdit su deretu po prescritzioni.

Si sa pedidura est stètia arricia, s'ufitziu at a fai su rimbursu aintru de 180 diis de candu ant presentau s'istàntzia.

no si tenit deretu a su rimbursu si su tanti a crèditu est prus pagu de **€ 5,00** a s'annu.

SU CURREGIMENTU OPEROSU

Custu sistema, previdiu de sa lei, permitit a su pagadori chi si ndi agatat de àiri sballiau o scarèsciu unu pagamentu, de si pònniri in règula ainnantis chi s'ufitziu averiguit sa violadura, aintru de tempus scioberaus, aici de si assegurai una impitcadura de is smendas prevideas po cussas infratzionis, cumenti amostau innoi asuta:

| GENIA | SMENDA IMPITICADA | TRÈMINI |
|---------------|---|--|
| SPRINT | 0,1% de su tanti chi no ant pagau po dònna dii de tradu, finsas a unu massimu de su 1,40% | aintru de ss de 14 dii a pustis de sa dii de scadèssida de su pagamentu |
| CURTZU | 1,5% de su tanti chi no at pagau | de sa de 15 a sa de 30 dii de tradu |
| MESANU | 1,66% de su tanti chi no at pagau | de sa de 31 a sa de 90 dii de tradu |
| LONGU | 3,75% de su tanti chi no at pagau | a pustis de sa de 90 dii de tradu e de dònna manera aintru de s'annu de scadèssida de su pagamentu |
| | 4,28% de su tanti chi no at pagau | aintru de duus annus de su scarescimentu o de sa faddina |
| | 5% de su tanti chi no at pagau | a pustis de duus annus de su scarescimentu o de sa faddina |

in prus de sa smenda s'ant a dèpiri pagai puru is interessus carculaus sceti apitzus de s'imposta dèpida (chene is smendas), a su tassu legali annuo chi impo est de su 0,05% po dònna dii de trafu, imperendi custa formula:

$$\text{Interessus} = \frac{\text{imposta} \times \text{diis de tradu} \times \text{tassu legali}}{36500}$$

ITA ACONTESSIT A IS SFROSADORIS

Su Comunu càstiat is pagamentus de is contribuentis, averiguendi chi is datus impreaus siant currigius respetu a is informatzionis de s'Agentzia de su Territòriu e de s'anàgrafe de is bividoris.

Po fai custu, cunforma a sa Lei Finanziària 2007, tenit tempus finsas a su 31 de mes'e idas de su de 5 annu a psutis de cussu chi su pagadori at scarèsciu, faddiu o atradau a pagai, notificandi su provedimentu apòsitu chi serbit po arriciri s'imposta no pagada e si aciungit sa smenda de su 30% in prus de is interessus de mora.

A CALI GIUGI PREGUNTAI

In s'acontèssiu chi su Comunu notifichit unu provedimentu de averiguadura chi no si cumpartzit, o arrefudit una pedidura de rimbursu, su pagadori si podit amparai fendi unu ricursu cunforma a s'art. 18 e s'ghidoris de su D. Lgs. de su 31/12/1992.

Su ricursu produssit puru is efetus de unu **reclamu** e podit tenni una propònnida de **acòrdiu** cun càrculu nou de su tanti pediu de su Comunu, po is cuntierras de balori no prus mannu de **€ 50.000,00** (balori carculau, po dònna annu fiscali, cunsiderendi s'imposta sceti chene smendas e interessus).

Cunforma a s'art. 17-bis de su D. Lgs. 546/92 su ricursu depit essi notoficau aintru de 60 diis de s'arricida de s'avisu, a su Comunu de Ceràxiu - Àrea 2 - Servitziu Intradas - Pratza Celalrium 1 - 09047 Ceràxiu (CA), imperiendi una de custas maneras:

- ❖ entrega a manu de a s'Ufitziu Protocolu de custu Enti chi s'at a torrai una còpia cun arricida;
- ❖ imbiu cun curreu de s'originali sceti aintru de unu plicu arregumandau chena busta cun avisu de arricida, cunforma a s'art. 16, c. 2 e 3, e de s'art. 20 de su D. Lgs. n. 546/92;
- ❖ notifica a custu enti e totu cunforma a is artt. 137 e s'ghidoris de su c.p.c.

Cun sa presentatzioni de su reclamu/acòrdiu is trèminis funt arrèscius po 90 diis in su petantis de is calis est possibili intentai una solutzioni stragiuditziali de sa cuntierra. Passaus chena profetu cussas 90 diis su pagadori, aintru de is 30 diis a pustis, si podit ponni in giuditziu entreghendì su ricursu, de aundi bessat a foras sa notifica donada a su Comunu, anca est sa Segreteria de sa Cumissioni Tributària Provintziali de Casteddu - bia Carducci n. 21 - 09128 Casteddu, s'ghendi is maneras inditadas in s'art. 22, comma 1, de su d. Lgs. n. 546/1992.

Po is **cuntieras** de unu tanti **prus mannu de € 50.000,00** (balori carculau, po dònna annu fiscali, cunsiderendi sceti s'imposta chene is smendas e is interessus), est amitiu deretu su ricursu a sa Cumissioni Tributària Provintziali de Casteddu - bia Carducci n. 21 - 09128, Casteddu, s'ghendi is manderas inditadas in s'art. 22, comma 1, de su D. Lgs. n. 546/1992.

Calincuna borta, unus strobis si podint anconciai aici, straviendi is strobis e is allonghiaduras de sa cuntierra tributària, pidendi unu esàmini nou de su provedimentu a su Funtzionàriu Responsàbili, chi podit currigi o annullai is àutus "in autotutela", si s'arrecconoscat de airi fatu calincuna faddina o de no airi castiau datus chi fiant stètius comunicaus giai po parti de su pagadori e totu.

CUMENTI TZERRIAI A S'UFÌTZIU IMU

- ❖ tzerriendi a su telèfonu a custus nùmerus::
 - 070/8592355 (Giuliana Cocco)
 - 070/8592326 (Cristina Pisu)
 - 070/8592328 (Rita Mascia)

- ❖ cun su curreu eletrònicu tzertificau a custu indiritzu: protocollo@pec.comune.selargius.ca.it

- ❖ cun su curreu eletrònicu a custus indiritzus:

- imu@comune.selargius.ca.it;
- cristina.pisu@comune.selargius.ca.it
- giuliana.cocco@comune.selargius.ca.it
- rita.mascia@comune.selargius.ca.it

Totu sa modulistica e atras informatzionis funt a disposidura in su giassu Internet istitutzionali a s'indiritzu **www.comune.selargius.ca.it**, in sa setzioni apòsita tzerriada "*Nuova IMU 2020*".

| CUADRU NORMATIVU |
|---|
| Regulamentu po sa disciplina de sa IMU Noa 2020 aprovau de su Cunsillu Comunali cun Deliberatzioni n.40 de su 15/09/2020 |
| Decretu Lei de su 14 de austu 2020 n. 104 - furriau cun mudàntzias de sa Lei 13 de mes'e ladàmini n. 126 (esentzioni de su saldu po su setori turismu e spetàculu) |
| Decretu Lei de su 19 de maju 2020 n. 34 (<i>Decreto Rilancio</i>) furriau cun mudàntzias de sa Lei 17 de mes'e argiolas 2020 n. 77. (esenzione de s'acontu po su setori turisticu e impiticadura po pagamentu cun addèpidu deretu in su c/c bancàriu) |
| Lei 27 de mes'e idas 2019 n. 160 - Lei de Balanzu 2020 - (istitutzioni Imu Noa) |
| Decretu Lei de su 26 de mes'e ladàmini 2019 n. 124 - (amannadura de su curregimentu operosu allonghiau a is tributus localis) |
| Decretu Lei de su 30 de abrili 2019 n. 34 furriau cun mudàntzias de sa Lei 28 de làmpadas 2019 n. 58 - <i>Decreto Crescita</i> |
| Lei 30 de mes'e idas 2018 n. 145 - Lei de Balanzu 2019 |
| Lei 27 de mes'e idas 2017 n. 205 - Lei de Stabilesa 2018 |
| Lei 11 de mes'e idas 2016 n. 232 - Lei de Stabilesa 2017 |
| Lei 28 de mes'e idas 2015 n. 208 - Lei de Stabilesa 2016 |
| Decretu Legisladori 24 de Cabudanni 2015 n. 158 - (mudàntzias de su sistema smendadori) |
| Decretu Legisladori 24 de Cabudanni 2015 n. 156 - (currigidura de sa disciplina de is pediduras e de sa cuntierra tributària) |
| Lei 23 de mes'e idas 2014 n. 190 - Lei de Stabilesa 2015 |
| Decretu Lei de su 6 de martzu 2014 n. 16 furriau cun mudàntzias de sa Lei 2 de maju 2014 n. 68. (cumandus apitzus de sa finàntiza locali) |
| Lei 24 de mes'e idas 2012 n. 228 (lei de stabilesa 2013) |
| Decretu Legisladori 30 de mes'e idas 1992 n. 504 artt. 2-5-6-7-8-10-11-12-14-15 (ICI) |
| Decretu Legisladori 31 de mes'e idas 1992 n. 546 (cuntierra tributària) |
| Lei 7 de austu 1990 n. 241 (procedimentu aministrativu e intrada a is documentus aministrativus) |
| Decretus Legisladoris 18 de mes'e idas 1997 nn. 471/472/473 (smendas aministrativas tributàrias) |
| Decretu Legisladori 15 de mes'e idas 1997 n. 446 art. 52 (podestadi regulamentari de is Comunas) |
| Lei 2 de mes'e idas 2005 n. 248 (definitzioni de àrea aundi si podit fraigai) |
| Lei 27 de mes'e idas 2006 n. 296 (finantziària 2007) |